

Ж.Ташенов атындағы жалпы орта мектебі

**«Таным» пән бірлестігінің
апталық қорытынды есебі**

Бірлестік жетекшісі : С.Уразбаева

Ж. Ташенов атындағы жалпы орта мектебінің «Таным» пән бірлестігінің апталық қорытынды есебі.

Желтоқсан айының 12.12.2022-23.12.2022 ж бастап «Таным» пән бірлестігінің апталығы басталды. Апталықтың жоспары талапқа сай құрылып, әр мұғалім уақытылы жоспарға сай өз сабақтары мен сыныптан тыс сабақтарын жүргізіп отырды.

Өткен тарихымыздағы халқымыздың кешкен қиындықтары мен бейбіт күн үшін күрескен ерліктері мен еңбектерін бүгінгі ұрпаққа жеткізуде, олардың саналы азамат болып өсуіне үлес қосуда ұстаздардың еңбегі зор. Оның бір дәлелі, 2022 жылдың 12-23 желтоқсан аралығында Ж.Ташенов атындағы жалпы білім беретін орта мектебінде «Тарих баспалдағы» тақырыбында «Таным» пән бірлестігінің пәндік апталығы өтті.

«Таным» пән бірлестігінің 12.12-23.12.2022 ж. аралығында өткізілетін апталықтың іс-шара жоспары .

Қ/С	Іс-шараның тақырыбы	Сыныбы	Өтілетін мерзімі	Жауапты
1	Апталықтың ашылуы	5-11	13.12.2022ж	Бірлестік жетекшісі, сынып жетекшілер, пән мұғалімдері
2	2 (II)топ металдары және олардың қосылыстары(ашық сабақ)	9 4-ші сабақ	14.12.22 ж	А.Анасова
3	Алтын адам (ашық сабақ.)	5 б сынып.5-ші сабақ	14.12..2022ж	Арысбаева Г
5	Жүрек-қан тамырлары жүйесінің аурулары (ашық сабақ)	8 а сынып 3-ші сабақ	15.12 .2022ж	Г.Серімбет
6	Жас маман- болашақ ұстаз		20.12.2022ж	М.Үсетаев
	«Дүниежүзілік діндер» ашық сабақ	9	22.12.2022 ж	М.Үсетаев
7	«Тарих тарландары» сыныптан тыс сабақ	11 а, б	21.12.2022 ж	С.Уразбаева
8	«Химиялық шоу» Сыныптан тыс сабақ.	7-8-9-10	19.12.2022ж	А.Анасова
9	Кенесары Қасымұлы бастаған ұлт-азаттық көтеріліс (ашық сабақ)	7 сынып 3-ші сабақ	19.12.2022ж	С.Уразбаева

10	«Арыс қалалық музейіне саяхат» сыныптан тыс жұмыс	8 а-сынып	23.12.2022ж	А.Жаппарбеков
11	Этносаралық қарама-қайшылықтар(ашық сабақ)	10 сынып	20.12.2022 ж	Д.Смайлов
12	«Тарих қадамдары » .интеллектуалды сайыс.	5а,б	21.12.2022ж	Арысбаева Г
13	Ұлы Жібек Жолы (ашық сабақ)	6а	22.12.2022 ж	А.Жаппарбеков

Пәндік апталық-оқушыларға ел тарихын танып-білуде тарихи тұлғалардың қоғамдағы қызметтерінен үлгі алу, өзіндік ой-пікір қалыптастыру мақсатында жоспарлады.

Апталық 12 желтоқсан күні салтанатты жиын түрінде ашылып, тарихи стендтер ілініп, оқушылардың тарихи тұлғаларға деген құрметін арттырып, өз елі үшін игі жасауға шақырды. Сондай-ақ тарих пәнінің ерекшеліктері туралы айтылып, ақын-жазушылардың өлеңдері мен қанатты сөздері жатқа оқылды.

Апталық аясында ашық сабақтар, сыныптан тыс пәндік сайыстар, танымдық-зияткерлік сайыстар ұйымдастырылды. Оқушылардың тарихи танымын, пәнге деген қызығушылығы мен білімдерін арттыру мақсатында Г.Серімбеттің өткен ашық сабақтары «үлгілі» деп танылса, М.Үсетаевтың ашық сабақтары ерекше жаңашылдықпен, үлкен талпыныспен өткізіліп, оң бағасын алды. Пән мұғалімдерінің ізденісі тек ашық сабақтармен ғана шектелмей, сыныптан тыс шаралар да үлкен дәрежеде өткізілді.

Атап айтсақ, **19 желтоқсан** күні 7 сыныпта С.Уразбаева « Кенесары Қасымұлы бастаған көтеріліс» тақырыбында ашық сабақ өтті, оқушылардың жан-жақты қырларын ашып, зеректігі мен алғырлығын көрсете білді, енді ғана тарих пәнінің қыр-сырымен танысып келе жатқан 7 сынып өздерінің пәнге деген қызығушылығы зор екенін атап өту керек Мұғалім сабақта тиімді әдіс-тәсілдерді пайдалана отырып, сабақтың мақсатына жетті Сабақ өз деңгейінде өтті.

21 -желтоқсан күні тарих пәні мұғалімі С.Уразбаеваның ұйымдастыруымен 6,10,11 сынып аралығында « Тарих тарландары »деп аталатын сыныптан тыс іс-шара ұйымдастырылды. Бұл сайыс сабақ оқушылардың ерекше қызығушылықтары мен белсенділіктерін оятты және білімдерін шыңдады. Сайыстың барысы оқушылыр екі командаға бөлініп, 1-Сұңқар және 2-топ Қайрат тобы болып жарысқа түсті. 7сынып оқушылары патриоттық рухта өлең-жырларын оқыды. Сайыс барысында оқушылар 1986 жылғы ызғарлы желтоқсан оқиғасынан көрініс көрсетіп, сахнаның шырайын аша білді, тарих пәнінен сұрақтар ұйымдастырылып білгір әрі жылдам топ алға шықты. Сайыс соңында 11 сынып оқушыларынан құралған топ жеңіске

жетті. Іс-шараға қатысқан оқушылар марапатталып, жағымды ән кешіне ұласты.

21-желтоқсан күні тарих пәні мұғалімі жас маман Г. Арысбаева 5а,б сыныптары арасында «Тарих қадамдары» атты сыныптан тыс сабақ сабақ өтті. Сабақта екі топқа бөлінген оқушылар пәнге қызығушылығы өте жоғары екендігін көрсетті. Сабақта оқушылардың зейінін ашатындай қызықты тапсырмалар берілді. Сайыс барысында оқушылардың деңгейіне сай тапсырмаларды оқушылар қызығушылықпен жылдам орындап отырды. Сабақ жоспарға сай, өз деңгейінде өтті. Сабақ соңында жеңіске жеткен оқушылар марапатталды.

14-желтоқсан күні химия пәні мұғалімі А. Анасова 9 сынып оқушыларымен «2 (II) топ металдары және олардың қосылыстары» тақырыбында ашық сабақ өтті. Оқушылар сабаққа белсенді қатысып отырды дегенмен кейбір оқушылар химиялық есептеу кезінде ілесе алмады. Мұғалім сабаққа жоғары деңгейде дайындықпен келген. Сабақ барысында тақырыпқа байланысты презентация, видео- сабақтар және есептердің шығару жолдарын көрсетті. Үй тапсырмасын сұрау барысында әртүрлі әдіс-тәсілдерді пайдалана білді. Оқушылардың қызығушылығын арттыра білді. Сабақ жақсы деп бағаланды.

15-желтоқсан күні биология пәні мұғалімі Г. Серімбет «Жүрек-қан тамырлары жүйесінің аурулары.» тақырыбында ашық сабақ өтті. Сабақ 8 а,б сынып оқушылары арасында жүргізілді. Мұғалім сабақты «Блум» таксономиясы арқылы тақырыпқа байланысты ақпараттармен таныстырып, әдіс-тәсілдерді пайдаланып, оқушылардың қызығушылығын арттыра білді. Оқушылардың белсенділігі өте жоғары, оқушылар бір-біріне көмектесу арқылы «көпіршелер» аясында іс-қимылдарын көрсете білді. Сабақ жоғары деңгейде өткізілді деп бағаланды.

22 -желтоқсан күні тарих пәні мұғалімі А. Жаппарбеков 6а сыныбынды «Ұлы Жібек Жолы» тақырыбына байланысты ашық сабақ өтті. Енді ғана тарих пәнімен танысып жатқан оқушылар сақ тайпаларының тұрмыс-тіршілігімен танысып, бүгінгі қазақ халқының өмірімен байланыстыра білді. Сабақта тиімді әдіс-тәсілдер пайдаланып, оқушылар белсенділік танытты. Сабақ өз дәрежесінде жақсы өтті деп бағаланды.

19-желтоқсан күні А. Анасованың ұйымдастыруымен 7-8-9 оқушыларының арасында «Химиялық шоу» атты сыныптан тыс сабақ өткізілді. Сайыста оқушылар үш болып бөлініп, командалық топтар болып өз білімдерін ортаға салып жарыса түсті. Сайыс барысында химиялық шоу мен химиялық тәжірибелер таныстырылды. Кеш өте тартымды өз деңгейінде өтті.

22-желтоқсан күні география пәні мұғалімі М. Үсетаев 9 сынып оқушыларымен «Дүниежүзілік діндер» атты ашық сабақ өтті. Сабақта діннің алатын орны туралы презентация және тақырыпқа байланысты видео-сабақтар көрсетілді. Сабақта пәнаралық байланыс жүргізіліп, сабақ өз деңгейінде жақсы деп бағаланды.

21-желтоқсан күні география пәні мұғалімі М.Үсетаев « Жас маман-болашақ ұстаз » атты жас мамандармен жоспар бойынша тренинг –сабақ өтті. Сабаққа жас мамандар қатысып, сабақ өтуде кездесетін келеңсіздіктің алдын алу мақсатында тиімді әдіс-тәсілдерді пайдалану туралы пікір талас өткізілді. Жас мамандарға әртүрлі көмек көрсету барысында олардың пікірлері тыңдалып, сабақ өтудің тиімді жақтары сөз етілді.

20-желтоқсан күні география және тарих пәні мұғалімі Д.Смайлов «Этносаралық карама-қайшылықтар » атты 10 сынып аралығында ашық сабақ өткізді. Сабақ барысында тарих және география жайлы тапсырмалардан сұрақтар қойылып , жауап алынды. Оқушылар өз өнерлерін көрсетіп , тәпті етті .Сабақ өте ерекше сипатта болды.

22-желтоқсан күні тарих пәні мұғалімі А.Жаппарбеков 8а сыныбымен Арыс қалалық музейіне саяхаттап барды.Саяхат барысында Арыс қаласының вокзалы , теміржолшылар және олардың өмірі теміржолдың салыну тарихымен танысып құнды деректер алды.Сонымен қатар Арыс қаласынан шыққан атақты тұлғалар және олардың еңбек жолдарымен танысты.Атап айтсақ, Дулат Исабеков,Нұржамал Үсенбаева, Адамбек Садықбеков,Пернебек Салықбаевтардың өмірінен үлгі өнеге аларлықтай әңгіме өрбіді. Арыс мақтаныштарының өмірімен танысты.

Апталықтың жабылу салтанаты мәжіліс залында ұстаздар мен оқушылардың қатысуымен үлкен дайындық пен нәтижелі еңбекке толы әдеби сазды кеш түрінде өтті. Кеште апталық аясында өткізілген іс-шараларда белсенділік танытқан оқушылар марапатталып, әрі қарай 7 сыныбының оқушысы Бахитжан Әселдің орындауындағы ән көрермендердің ықыласына бөленіп, патриоттық әндер шырқалып, мың бұралған биге ұласты.

Бүгінгі күн – ертеңгі тарих. Сондықтан да тағылымы мол тарихты тереңнен қазған апталықтың оқушыларға берер өнегесі мен тәрбиесі мол болды.

23.12.2022 ж күні апталықтың жабылуы мектептің өнерлі оқушыларының қатысуымен ұйымдастырылып өтті. Апталық өз деңгейінде атқарылып шықты.

Бірлестік жетекшісі :

С.Уразбаева